

四庫全書

集部

欽定四庫全書

文苑英華卷三百八十八 宋 李昉等 編

南省四

兵部侍郎

授唐奉一兵部侍郎制

李嶠

鸞臺叅貳百揆樞衡九法是司邦政尤切帝難具官唐

奉一字量深明襟懷雅正文場得俊翰苑推工瑣闥一作

闈內朝致延譽之美珪符出守樹威恩之績永言禁暴

事切安人俾昇五戎之府佇諧九流之選可夏官侍郎

授裴淮兵部侍郎制

蘇頌

門下通議大夫行中書舍人上柱國正平縣開國男裴  
淮敏學聰亮雅詞微婉陽秋具體夙夜在公精義折於  
連環規矩同於匪石久典清密見稱忠信簡稽是務軍  
國是殷宜擢美才俾敷戎政可尚書兵部侍郎勲封如  
故主者施行

授張均兵部侍郎制

孫逖

門下六官之任夏卿尤重貳職之選時望惟屬正議大夫行尚書戶部侍郎上柱國燕國公賜紫金魚袋張均才畧經通文詞濟美脩身自達擅鴻陸之羽儀蒞事無難有龍泉之斷割累拜省闈彌彰器用芳蘭可久垂棘重歸宜允副於僉擇俾增脩於舊政可行尚書兵部侍郎散官勲封如故

授李彭年兵部侍郎制

孫逖

勅朝議大夫守太僕少卿上柱國趙郡開國公李彭年

清和稟識博雅為文堅貞懷匪石之心果斷有刺鐘之  
利夏卿之亞歲調方殷缺官而擇至公斯在宜副才難  
之選將觀試可之能可權判兵部侍郎事散官如故

授李恒武部侍郎制

賈至

門下全蜀奧區梁岷設險時清作鎮恒難其人况中夏  
未寧上皇南幸益州之政允資忠諒非親非賢何以兼  
腹心瓜牙之任前襄陽太守李恒貞固簡肅宗枝標秀  
歷踐中外咸克有聲今巴蜀之地停鑾駐蹕舉爾以文

武之才倚爾以維城之固且小司馬之職連率之重兼而處之不曰厚寄懋哉厥德無替朕命可行武部侍郎

授柳公綽罷鹽鐵守夏官兵部侍郎制

白居易

勅具官柳公綽昔先皇帝知爾有材元和以來應用不暇及領權莞漕運之務屬陵寢郊丘之禮財給事傑時乃之功宜有轉移以均勞逸况聞牢籠無遺利課督有常規今詔刑部尚書播代之亦令守而勿失朕將興理

化先務根本凡百職事悉歸有司惟茲夏官實掌戎政  
簡稽調補今方其時司馬貳卿佐乎邦國是爾本職無  
忘增脩可依前件

授盧知猷兵部侍郎制

薛廷珪

勅叅斷時政允屬公卿鎮重周行式資舊老而叔世綸  
選率尚英華俾我鴻儒碩生軋軋不進汲長孺於焉興  
嘆燭之武是以有詞思求其人夕惕若厲爰有良輔協  
吾此心具言爾前尚書右丞盧知猷在和武光孝皇帝

朝以文學詞賦擢進士第登宏詞科舊相列藩羔鴈交  
辟雅有淑問鬱為名儒及我懿考踐祚歷諫省郎署官  
常兼史職藹然直聲著在筆削先皇帝嘗輟自朝右再  
委方州饒陽上洛之人于今懷爾之德旋掌誥命亟服  
寵榮逮予冲人歷事四帝出入華顯諳練故實子雲之  
筆札有名周昌之厚重無黨鎮吾風俗繫爾秉持遂用  
委以五兵贊予九法服我休命稱茲東求往惟欽哉無  
墜成績可兵部侍郎



戶部侍郎

授源乾曜戶部侍郎制

蘇頌題

黃門正議大夫行少府監上柱國安陽縣開國男源乾  
曜思揔事端言思政要外則經通成務內則周密知微  
其識也清以文守法尚方愛費已稱寶玉之府司徒帥  
屬更重神仙之聞宜副朝警蒞于邦教可行尚書戶部  
侍郎散官勲封如故主者施行

授韋濟戶部侍郎制

孫逖

勅朝散大夫守京兆少尹奉明縣開國男韋濟衣冠吉  
士文雅清才蘊忠信於身謀傳孝友於門德明而克允  
遇理必通剛則近仁臨事能斷自升華省迨佐神州皆  
有令名咸歸雅望地官之亞朝選尤難我其試哉無替  
厥命可試尚書戶部侍郎散官封如故

授韓滉戶部侍郎制

孫 逖

門下周有地官小司徒佐敷五教魏置度支尚書以濟  
軍國之用政有餘地然可兼之正議大夫行尚書右丞

韓滉惟先臣左右烈祖格于皇天濟美之盛中朝所重  
好學師古潔其清純文不流放言無枝葉素練成式用  
推至公所更之任事可垂遠久司臺轄嘗亦官人姦吏  
無竄其情群才各序其一作於位今戶版不實地征未均  
每歲經費以之匱竭迺者命使以摠領且非典故揮郎  
以專掌又慮權輕歸於有司期在折衷昔杜元凱之處  
斯職內以利人外以救邊法可施行者五十餘條以資  
當時之急委注煩重宜熟計之可行尚書戶部侍郎專

判度支散官如故主者施行

授牛僧孺戶部侍郎制

白居易

勅戶部侍郎周之地官小司徒也掌天下口

集作田

戶之

園生齒之籍

二字集報

賦役貨幣之政令以待國用而實歲

成元和以還日益寵重善其職者多登大任中茲選者

莫非正人誰其稱之我有邦彥朝議大夫

集作朝議郎

守御

史中丞上柱國賜紫金魚袋牛僧孺自舉賢良踐歷臺閣秉潤色筆提糾繆網而書命無繁詞決事無留獄受

寵有憂色納忠多苦言朕心知之何用不可夫以人曹之重如彼僧孺之賢若此俾居是職不亦宜乎可守尚書戶部侍郎散官勲賜如故

刑部侍郎

授閻伯璵刑部侍郎等制 常 袞

門下古者參用名儒典領大郡或連書課績之最則次補公卿之缺今甄陶政化黜陟幽明若二千石理行第一中朝右職懸以相待俾長吏知勸至公大行銀青光

祿大夫婺州刺史本州團練守提使上柱國閻伯璵銀

青光祿大夫衢州刺史本州團練守提使樂陵縣開國

男田季羔等早以文章侍從潤色綸言朝夕論思處正

廷議名高德厚推重周行歷踐藩部集作郡一其政理本

經術以制事叅禮法以訓人約已馭物集作儉以約已而下不

勞靜以存誠而吏不擾風淳俗泰表率方州懋能入遷

美選無易慎平秋典給事黃門副予簡求以稱厥服伯

璵可行尚書刑部侍郎散官勲如故季羔可行尚書給

事中散官封如故主者施行

授王翊刑部侍郎制

常袞

門下書曰惟敬五刑以成三德秋官之任也貳卿良選其在茲乎充策回紇可汗使王翊力行近乎仁率性之謂道學以博物人能變風出入中外茂昭聲實靜而居易受不辭難使乎四方不辱君命斯之謂矣今丕蔽未明東孚未允命爾作小司寇敬平邦憲在寬可行刑部侍郎

授畢誠除刑部侍郎制

杜牧

勅士師畢陶之恤刑司寇蘇公之用獄既盡哀敬能致  
治平擢為大僚膺茲慎選出於予志委以誠臣翰林學  
士朝散大夫守中書舍人上柱國平陰縣開國男食邑  
三百戶賜紫金魚袋畢誠學臻開奧文越拘攣常以忠  
信用為前後爰自郎署擢居內庭謀議有同於壽王奇  
異輒委於嚴助竭盡心力裨補機要既久歲序須議遷  
昇今者耕夫服田戎馬不駕欲使凡一手足皆獲措置



是故用汝典予刑罰汝其往哉吾今告汝吾聞孔子曰  
古之聽獄求所以生之今之聽獄求所以殺之宜念格  
言深思論要勉服休命以稱朕意可權知尚書刑部侍  
郎散官勲封賜如故

禮部侍郎

授楊綰禮部侍郎制

賈至

門下鯨鯢初懸理化未洽思敦馳騫之俗必弘廉退之  
風太常少卿兼脩國史楊綰質稟天和才優大雅理能

自暢學不為人自委身於周行孤立於中道喜愠莫形  
於顏色外物無得而親踈聲聞日高志致彌遠固足以  
抑揚雅俗弘獎素風宜貳職於南宮仍屬詞於東觀俾  
難進之夫增氣干仕之子知慙斷彫澄源朕志斯在可  
守禮部侍郎仍脩國史餘如故施行

授張謂禮部侍郎制

常袞

勅稱秩元祀春官職馬舉秀興廉國朝兼領非文儒碩  
茂鑒裁精實重於一時者不在此地中散大夫守太子

左庶子上柱國河南縣開國子賜紫金魚袋張謂宏達  
有檢和平易容豈道廣而難周亦言滿而無擇博涉羣  
籍通其源流振起鴻藻正其聲律翰飛北閣煥發司言  
居部長人不忘惠訓輔相東禁孝友彰明貳宗伯之掌  
禮典諸侯之貢士以爾公望副茲眷求可守尚書禮部  
侍郎散官勳封賜如故

授韋貫之禮部侍郎制

白居易

勅典郊祀之禮獻賢能之書今小宗伯實貳其

集作事  
魚二

非直清明正者不足以處之中書舍人韋貫之沉實堅  
峻文以禮樂行成於內移用於官公直之聲滿於臺閣  
頃以詞藻選登禁掖秉筆書命時稱得人多集作積勤  
勞宜有遷轉可使典禮以和神人可使考文以第俊秀  
儀曹之選僉議所歸徃修乃官無替厥問可禮部侍郎  
餘如故

授鄭薰禮部侍郎制

鄭處誨

勅儀曹劇任中臺慎擇總百郡之俊造考五禮之異同

必求上才以允僉屬中散大夫尚書工部侍郎鄭薰高  
陽茂族通德盛門秉莊氏之風規蘊名卿之器業文諧  
騷雅鼓吹前言譽洽縉紳領袖時輩操守必修其謙柄  
進退常踐於德藩壘中詞科亟升清貫持橐列金章之  
侍揮毫擅紫闥之工貳職冬官克揚休問是用俾司貢  
籍以振儒風朕以化天下者莫尚於人文序多士者以  
備乎時選育才之本惟善是從舉拔既尚於幽貞儻勸  
勿遺於曹緒無求冠玉無採雕蟲當思取實之方必有

酌中之道爾其盡慮以率至公可守禮部侍郎

工部侍郎

授徐彥伯工部侍郎制

蘇頌

門下太中大夫前守蒲州刺史修文館學士上柱國開  
平縣開國子徐彥伯素履內融清暉外徹學究精密旁  
通儒者思含飛動高視詞人名與時行位因才致河潤  
九里先美股肱郎留一月初榮侍從考功之任選衆攸  
稱可守尚書工部侍郎餘如故主者施行

授蔣渙工部侍郎制

常袞

門下夫任賢之急在適於事要當其才難豈限階序况  
中臺政本司舉舊章六卿貳職為今盛選銀青光祿大  
夫守右散騎常侍上柱國汝南縣開國公蔣渙忠信孝  
友周而不器得元和之純能以禮節有至靜之妙豈因  
物遷溢聲華於文藻潤理體於經術中外之職備更要  
重不失其正行之有恆自分貂蟬之列喻公卿之旨入  
告嘉猷直而不訐常執德於冲約亦忘情於進趨勤職

已久所宜懋能百工惟時命汝典制可行尚書工部侍郎散官勲封如故主者施行



文苑英華卷三百八十八

欽定四庫全書

文苑英華卷三百八十九 宋 李昉等 編

南省五

左右司郎中

授韋審規等左司戶部郎中等制

元 稹

勅尚書郎會天下之政上可以封還制誥下可以昇負  
牧守居可以優游殿省出可以察視違尤非第一流不

議茲選守職方郎中上騎都尉韋審規等皆歷踐臺閣  
開達憲章或滿歲當遷或擇才斯授皆極一時之妙足  
為三署之光於戲提紀綱而分命六聰左右司之職甚  
重登生齒以比董九賦人曹郎之任非輕勉竭彌綸之  
心勿虛俊茂之舉可依前件

吏部郎中

授慕容珣吏部郎中等制

蘇

頴

總目  
賈至

黃門朝請

一作  
敬

大夫檢校尚書主爵郎中慕容珣在公

無撓守道不回利用特稱其斷割清心自表其剛正正  
議大夫行商州刺史上柱國中國公高紹羽儀鶴鷺符  
采珪璋詣理愈見於昭明屬詞每聞於警拔九流綜覈  
五等封建式副為郎之美宜用選衆之求珣可尚書吏  
部郎中紹可行尚書主爵郎中散官勲封各如故主者  
施行

授韓滉吏部郎中制

勅尚書郎中佐理六卿事闕政本御史則舉直措枉綱

紀周行非雅正之才難在斯任吏部員外郎韓滉恪慎

惇敏且吏且文

一作飭  
吏以文

夙夜在公咸宜進位可吏部郎

中

授韋元曾吏部郎中等制 常 袞

勅朝議郎行尚書吏部員外郎賜緋魚袋韋元曾朝請

大夫前行尚書司封

集作  
勳

員外郎兼侍御史護軍賜魚

元挹等學業優深詞華通瞻雅有縉紳之望列於郎署

之間久在劇曹尤推精密自登膳部克舉彌綸選重一

時職參六典宜膺並拜之寵式美齊名之論元魯可守  
尚書吏部郎中散官賜如故元挹可行尚書吏部員外  
郎散官勲賜如故

授盧元輔吏部郎中制

白居易

勅六官之屬升降隨時獨吏部郎班秩加諸曹之右歷  
代迄今未嘗改也則其典職之重選用之精可知矣洛  
州刺史盧元輔深於文敏於行加以刺犀之利洞瞻之  
明潔而用之無往不達連領大郡至于三四剡訛剔弊

迎刃有聲宜付劇司俾之操制選曹郎缺用爾補員歲  
調方殷佇揚乃職可尚書吏部郎中

授盧懿吏部郎中制

崔 嘏

勅河南少尹盧懿總天下之缺員必先閱於吏曹郎然  
後達於銓官自非神機穎利識用周密則不得備於斯  
選也以爾詞鋒絢練門緒清華儒席許其溫恭士林推  
其端厚自分曹洛汭貳尹三川澹於趨進之途鬱彼靜  
專之操晦迹而翬浮自遠長鳴而風雨不渝是用徵還

首曹榮以題柱必能佐持衡之重任聯藻鑒之清輝勉服官常無孤所舉可依前件

司封郎中

授王丘主爵郎中等制

蘇頌

勅宣議郎守尚書考功員外郎王丘學思文華精而典麗朝議郎守侍御史內供奉判右司員外郎上柱國韋虛心神清氣勝敏以甄通或刈於楚翹先有司之課績或提其綱轄肅諸曹之填委一作委麻爰旌二妙宜叶再選



丘可守尚書主爵郎中虛心可守右司郎中散官勲如故

授韋儼

總目

作環

司封郎中制

賈至

勅司駕員外郎韋儼忠義激切智深謀敏懷斷割之利用慨國家之深警淮海多虞寇戎未殄是擇才彥佐斯旌鉞宜兼臺閣以懋勲庸可司封郎中充淮南行軍司馬兼召募使

司勲郎中

授韋博司勳郎中等制

崔 嘏

勅韋博等頃以邊城命將肇建麾幢當警塵未息之時  
及烽火尚明之日故於粉署妙選星郎欲以贊充國也  
田之謀佐武賢備戎之術既而賓筵有耀幕畫已多存  
居於沙漠之中爰舍於戎旌之下亦既勞績亟更歲寒  
念其裘革之誠更復握蘭之美而煥本以文學傳之吏  
能克踐正途久司宗祏今以三農務急一作重九扈才難  
宜遷丞副之榮用陟亞卿之列無忘素履各服新恩可

依前件

考功郎中

授裴譔考功郎中制

賈至

勅君子立義為勇在國而能通故全其節而成其務矣  
守太子中允裴譔言忠信行篤敬有敏才斯可與權有  
直道磨而不磷造次顛沛秉心塞淵宜獎固之風緝臺  
閣之政可守考功郎中

授鄭涵考功郎中馮宿刑部郎中等制

元 稹

勅二帝三王之所以仁聲無窮績用明而刑罰當也尚  
書郎專是兩者疇將若予僉曰前國子博士充史館修  
撰鄭誣文無害可以彰善惡守歛州刺史馮宿思無邪  
可以盡哀敬庶尹百吏之能否四海九州之性命用汝  
叅斷汝其戒之夫刻則害善放則利淫僻則不通流  
則自撓惟是四者時考之難亟則失情緩則留獄深則  
礙恕縱則生姦惟是四者時行之難八者不亂然後可

以有志於理矣朕實

集作所

注意爾其盡心涵可考功郎

中宿可刑部郎中餘並如故

授趙昌翰考功郎中制

錢 珣

勅具官趙昌翰國之舊章繫會府者僅廿六七坐曹郎  
見墜不舉焉用官為而善最之法所墜尤重非精材彊

力安能舉之

一作比

昌翰以名家子實自修整為縣罷去

修然自安公卿有知己之門車馬無致身之跡善養材  
用益聞精彊是以考績處之且欲明試於爾噫擇名曹

置名士吾不知設官之始獨為人乎如或深思必將召  
寵可依前件

戶部郎中

授李邕戶部郎中制

蘇頌

黃門朝散大夫守江州別駕李邕探學精奧為文沉鬱  
審諤之心動必無撓彌綸之用行則有恒故以高才逸  
羣懿聲滿聽宜膺版圖之任允光蘭握之選可守尚書  
戶部郎散官如故主者施行

授李規戶部郎中制

常袞

勅朝議郎前檢校尚書戶部郎中兼侍御史賜緋魚袋  
李規志學純脩居有彛檢才理精達動無滯用常執邦  
憲無毗使軒處煩行簡從容濟務叅我地官之屬首於  
時俊之科亦既外除尤彰內行正名舊秩以寵廻翔可  
守尚書戶部郎中散官賜如故

授高允恭戶部郎中判度支案制

元稹

勅行刑部員外郎飛騎尉高允恭書云明德慎罰猶慎  
之况朕不德茲用省于有司之獄莫不伏念隱悼周知  
其情惟爾允恭告我詳集作祥刑罔不率協稽爾明効陟  
于他曹大比生齒之書仍掌圻臺之牘戎車方駕物力  
未豐剖滯應期斯任不細推爾惟愴之意罔或失財用  
爾無害之文以懲刻下怯不欲過過則不終文不欲繁  
繁則不逮率是二集作數者時惟厥中可戶部郎中判度  
支案散官勲如故



度支郎中

授裴倩度支郎中制

常袞

勅朝議大夫前守饒州刺史嗣正平縣開國男賜紫金魚袋裴倩達識含精長材致遠秉彛尚晦金璞自明當劇居難干將獨割周歷臺閣綢繆藩鎮休聲異政亦克有終底慎財賦之殷校計軍國一作需之用得專其任爰舉舊章佇爾發揮以之膽濟可尚書度支郎中散官封賜如故

金部郎中

授蔡秦客金部郎中制

蘇頌

黃門正議大夫行尚書右司員外郎上柱國蔡秦客風

格允

一作敏

正文詞優洽明以在公直而履道聲馳粉署

爰提建禮之綱位總金曹宜轉司徒之屬可行尚書金部郎中散官勲如故主者施行

倉部郎中

授倉部郎中制

劉禹錫

勅周制倉人以辨於邦用廩人以待乎匪頒後代或均  
輸或平糶皆周官倉廩之職也於戲王者藏於天下吾  
何私焉收歛以時儲蓄必謹俾夫凶荒無患貧富克均  
宜詠京城之詩勿守豆區之限可

禮部郎中

授彭景直禮部郎中制

蘇頌題

黃門正議大夫檢校尚書禮部郎中上柱國彭景直通  
理內融含輝外靜文尚典雅學窮精博故能容量是則

仙闈咸推俾即真於滿歲更惟允於卿月可行尚書禮部郎中散官勲如故主者施行

授程休文禮部郎中制

賈至

勅司封郎中程休文郎中應列宿之位御史為準繩之舉紀必以德任難其人况於四海多虞兩京未復臺省樞要非賢不居或以節推或以才擇可守禮部郎中

祠部郎中

授王璵祠部郎中兼侍御史制

賈至

勅知上黨司馬事王璵藏器於身策名清列多才多藝  
知微知章歷茲艱難屢有籌畫宜兼臺省之任仍總師  
戎之役可祠部郎中兼侍御史充招名權宜處置使

主客郎中

授主客郎中制

劉禹錫

勅漢制尚書郎四人一人主營部成帝又署客曹主外  
國戎狄事皆今主客之任也其後或東西列職左右分

名統彼行人之家綏其外臣之務朝聘則定位晏會則  
辨儀穆我四門深於九譯用委藁街之政克資粉署之  
賢可


膳部郎中

授鄭博雅膳部郎中制

蘇頌

黃門中大夫檢校太子洗馬鄭博雅志業融暢襟靈閑  
遠備聞前言嘗習故事來遊博望既增清道之華入奏  
明光宜副丹墀之寵可行尚書膳部郎中散官如故主

者施行



文苑英華卷三百八十九

欽定四庫全書

集部

文苑英華卷三百九十二

詳校官庶吉士臣柳邁祖

助教臣常循覆勘

總校官進士臣朱鈺

校對官中書臣鮑之鍾

校對官中書臣胡紹基

謄錄監生臣任應銑

謄錄監生臣李維瀛



欽定四庫全書

文苑英華卷三百九十

宋 李昉等 編

南省六

兵部郎中

授李懷讓兵部郎中制

蘇頌 頌

黃門朝議大夫行大理正上柱國李懷讓直方在心一作

公清而轉勁通明應務吏必兼文故能譽滿簪纓望華

臺署鸚鵡作士雖參聽棘之言司馬訓兵重踐握蘭之

任可行尚書兵部郎中散官勲如故主者施行

授李暉兵部郎中等制

孫逖

勅朝議大夫

二字一作郎

行兵部員外郎李暉等清才雅器

人望時英咸以令名光于俊選自膺推擇久効彌綸宜甄滿歲之勤俾進為郎之秩可依前件

授張顥兵部郎中丘據兵部員外郎制

賈至

門下上應列宿尚書郎所以稱羨也中持風憲侍御史

所以推雄也况兼之藩翰加以師旅宜求全一作才允

迪厥職澤州刺史張顥有一作貞固之資為幹時之器

澤潞司馬殿中侍御史邱據秉溫良之質多利物之才  
咸提綱憲府佐理戎幕以示修直展其謀猷必將大耕  
戰之圖弘臺閣之務式加新秩俾修舊政顥可守兵部  
郎中懷州刺史據可兵部員外郎依前行軍司馬

授邵說兵部郎中制  
常 袞

勅宣德郎前守尚書司勳郎中賜緋魚袋邵說學致其

道文達其變沉靜有用貞純秉彛藹然盛名光我華省  
長於奏議多所損益佐夏官之劇參戎事之殷膺此俊  
選佇揚休聞可守尚書兵部郎中散官如故

授李深兵部郎中制

常袞

勅朝議大夫郎守衢州刺史賜紫金魚袋李深忠義之  
門懋昭前烈文儒之道弘著休聞經通以濟於用廉介  
以約其心早擅吏能脩更官序藩條之重理行尤彰亦  
既休閑頗聞淹久宜膺郎署之選式允公才之拜可守

尚書兵部郎中散官勲賜如故

授蕭祐兵部郎中制

元 稹

勅兵部郎中佐夏官理邦國以平不若辨九法九伐之  
重輕稽五兵五楯之衆寡非踐更臺閣從容聞望者不在  
茲位流品既清選任彌重朝議郎守尚書考功郎中上  
護軍賜緋魚袋蕭祐才行忠信達於予聞課吏陟明誕  
若攸職拾青紫於儒術擅金石之揮毫允謂賢能宜當  
慰薦可守尚書兵部郎中散官勲賜如故

授楊嗣復兵部郎中制

元稹

勅吏部郎中楊嗣復官天下之文武重事也兵部郎中  
 二員一在侍從不居外省旁求其一頗甚難之而執事  
 者皆曰近以文章詞賦之士為名輩由此者坐至公卿  
 開達憲章用是希少而吏曹郎嗣復州里秀異議論宏  
 博宜其所長自多然而操刺吏事細大無遺用副簡求  
 允謂宜稱其誠守茲任為予簡稽苟能修明旋議超陟  
 可權知尚書兵部郎中餘如故

授栢者兵部郎中等制

李虞中

勅夏官之屬以九法平簡稽司寇之列以三典詰邦禁  
選用郎吏斯為重難朝議郎前使持節婺州刺史上柱  
國騎都尉賜紫金魚袋栢者勁正誠明富以材識揚聲  
禮閣直筆諫垣微事郎使持節蘄州諸軍事守蘄州刺  
史驍騎尉賜緋魚袋狄兼舊德在人文風擅價興起  
憲署勞徠疲屯有以恬退自安遇事而後發有以昭融  
美稱非道而莫遷顧茲缺員宜乎並拜懋承寵擢以奉

彌綸者可守尚書兵部郎中散官勲賜如故兼暮可守  
尚書司門郎中散官勲賜如故

授王政雅等兵部郎中制

李虞中

勅朝議大夫郎守尚書戶部郎中兼侍御史知雜事上  
輕車都尉賜緋魚袋王政雅朝議郎守尚書戶部郎中  
上柱國賜紫金魚袋盧曙等御史府紀綱中外事雜  
而繁故常以侍御史一人綜其庶務政無大小罔不關  
決繇是得叅舉中臺郎之可者以兼領焉既而第其課



績以勸能吏陟明者必載遷於省閣當選者復繼入於  
憲聞此其可以為重也爾等皆以簡愿端明修詞踐行  
發強可以守直開敏可以適中常遊刃於京邑亦坐籌  
於戎闡臺閣之上聲華益高贊均輸於財征表明慎於  
郵罰分曹左右其用惟新是宜舉武部之雄以獎成績  
授都曹之重以勵兼才佇觀稱服之能式副有司之請  
正雅可守右司郎中兼侍御史知雜事散官賜如故豆  
盧曙可職方郎中

職方郎中

授杜

集作源  
下同

寂職方郎中制

常袞

勅朝議郎守尚書度支郎中賜緋魚袋杜寂端一其誠  
周通於事久於膳部頗有敏才亦既詳達不忘恭慎掌  
我方志宜從序遷可守尚書職方郎中散官賜如故

駕部郎中

授韋翹司駕部郎中制

常袞

門下武部員外郎韋翹貞固幹事達理明權績惟著於

在公才必聞於處劇  
遷郎署俾膺榮寵可為司駕郎  
中

庫部郎中

授衢州刺史鄭群庫部郎中齊州刺史張士階

祠部郎中制

白居易

勅具官鄭群等今之正郎班望頗重中外要職多繇是  
遷故其所選不得不慎必循名實而後命之群與士階  
久典名郡謹身化下有循吏之風會課陟明宜當是選

國之大事在祀及

集作與

戒一掌祠曹一司武庫各須

集作頌

其要爾宜敬之群可庫部郎中士階可祠部郎中

授杜致美太常少卿楊拙庫部郎中制

薛廷珪

勅朕以至公掄才時致用又周行進秩公論為人如聞  
右司郎中杜致美以吾上台實爾猶子深自抑損不求  
聞達隱几端居不言時事閉關却掃深味道腴夫何山  
濤魏舒校爾優劣而戶部員外郎楊拙始以籍甚之稱

洽於名場歷聘侯藩亟踐臺省疆學務本履正居中夫  
何顏駟楊雄伴爾專靜奉常典樂建禮含香詢爾清閑  
明我搜選克敬乃事交修厥官各謂當才無忝並命可  
依前件

刑部郎中

授許季同刑部郎中杜羔戶部郎中制

白居易

勅前長安縣令許季同前萬年縣令杜羔等輩自郎署

分宰京邑而長吏待之小乖常禮雖同辭託疾

一作動故

動

未得中然遠恥以退道不失正各從免職亦既踰時况  
文行政能皆推於衆詢諸時議宜有遷授尚書郎缺方  
選才良憲部人曹俾膺並命季同可刑部郎中羔可戶  
部郎中

都官郎中

授高仲舒都官郎中制

蘇頌

黃門通議大夫行太子洗馬高仲舒洽聞殫見履直居

溫士慕清暉人推至行崇賢企德已膺洗馬之榮建禮  
求才宜拜乘息之寵可行尚書都官郎中散官如故主  
者施行

授劉崇彝都官郎中制

薛廷珪

勅其官劉崇彝朕聽政之暇耽翫群書每讀考槃之詩  
常軫遺逸之慮訪於輿論得爾崇彝聞其常抱業試於  
有司才優數竒十上不第言行修整文學該通儒雅之  
聲著於洛下而以爾令弟秉予大鈞鴻飛冥冥不近賢

路從軍試吏亦曰彊名苟徇爾私其如公議是用陟居  
華省寵以郎曹典制六官之重伏奏清蒲之上疇爾夙  
志予息不輕凡百未申宜體朕樂善興能之意無患不  
知也可

比部郎中

授比部郎中制

劉禹錫

勅周以司會質歲成漢以計相經國用或考百官之要  
或制三年之期稽以簿書辨其名物俾夫會算必得經



費無差充選望郎以臨計吏可

司門郎中

授柳渙司門郎中制

蘇頌

勅朝議郎前行左司員外郎柳渙色莊心勁瞻學能文  
堅守憲章務從條理為時所重滿歲當遷宜罷臺轄更  
司門鍵可守尚書司門郎中散官如故

工部郎中

授京畿制置使判官兼中丞賜紫李巨川工部

郎中制

錢珣

勅具官李巨川夫彊學者始自為己移於事人君齊美  
儒先登志士之場優入群書之域中權之佐前著實高  
多務講論直歸翼戴爾所自比我能知之推共獎王室  
之心慕不以兵車之力文翰之樂迅捷若飛雖觀者已  
煩而作者甚暇陪臣盡善賢帥盛稱上既策勳下難遺  
賞且升郎位如事所知理在庶官勉興墜典常聞好古  
當念陟明可依前件

屯田郎中

授屯田郎中制

劉禹錫

勅詩云雨我公田遂及我私蓋美大田之盛思賢主之  
詩人必先公而後私者借力而耕其來尚矣周以司徒  
蒞職漢以侍郎訓田今則務切如雲任專列宿摠於豫  
政克藉公才可

虞部郎中

授王踐睦虞部郎中制

蘇頌

黃門中散大夫檢校太子左贊善大夫王踐睦明敏練  
習雍容閒雅聲馳在公政曉為吏往還臺閣已叶於初  
從今掌衡虞俾光於重入可行尚書虞部郎中散官如  
故主者施行

授李翱虞部郎中制

白居易

勅金州刺史李翱雅有文藝飾以政事早從吏職久領  
郡符謹慎廉平頗副所任虞曹郎缺命以序遷敬茲寵  
命勉守厥位可尚書虞部郎中

水部郎中

授河中節度判官溫緒水部郎中制

薛廷珪

勅天子省方藩后述職睦鄰事大允執厥中偃革崇儒  
行成於內我知之矣彼有人焉具官溫緒懿祖考為朝  
廷大臣偉望威名皆烜赫信史而爾砥節礪行修詞立  
誠抱終身之憂脫屣科第伎四方之志服勤官途束帶  
公朝曳裾侯府刃有餘地人無間言朕以繫結胡官切

蒲兵纏封域藏書之府煨燼罕存爰委藩宣為我採撫  
而爾能奉綸旨來貢之書欲以先王之格言廣我視聽  
思列聖人之行事規我怠荒實嘉乃心斯驗夙志爾帥  
具舉予其懋遷升之文昌授以清署用醇稱職以勸事人  
凡百賓階無忘幕畫可尚書水部郎中

文苑英華卷三百九十

欽定四庫全書

文苑英華卷三百九十一 宋 李昉等 編

南省七

左右司員外郎

授柳渙左司員外郎制 蘇頌

勅朝議郎行起居舍人判左司員外郎柳渙襟情雅正  
藝能敏洽珥筆記言才光東觀張燈起草譽動南宮宜  
同滿歲之遷式副為郎之舉可行左司員外郎散官如

故

授姜昂右司員外郎等制

勅尚書金部員外郎姜昂殿中侍御史李常等勵節脩  
身敏才通識金曹典事頗効精勤白簡繩違久聞堅正  
皆能奉職宜稱遷升昂可尚書右司員外郎常可行侍  
御史散官勲如故

吏部員外郎

授鄭叔則吏部員外郎制

常 袞



勅朝議郎檢校尚書吏部員外郎鄭叔則志經含章仗  
雅師儉罔有擇行未嘗近名省理辨疑時稱簡達才盛  
居東之佐禮處司南之重高選髦士以分劇曹正其舊  
員允是新命可尚書吏部員外郎散官如故

授李建吏部員外郎制

白居易

勅六官之屬選部郎首之歷代以來諸曹郎之中擇其  
踐歷久考第高加以有器局律度者遷焉今之選任亦  
由是矣兵部員外郎李建文行才理公勤課績可以具

美宜居厥官歲調方殷勉勤爾事可吏部員外郎

司封員外郎

授李知止司封員外郎等制 孫 逖

勅至公之用本無偏黨惟善斯擢豈隔親疎四從叔前  
京兆府奉天縣令上柱國知止等咸有人才見推公族  
秉惟清之操兼致遠之資朕每精念同盟不勤于德當  
懸右職以觀其徒先委宗卿精為內舉量能考行歷載  
踰時名數則多升聞蓋寡倘膺是選諒在得人固可擢

以清要遷於臺閣將觀志於七子冀齊名於八人宜各  
悉心佇聞成績可依前件書不云乎九族既睦平章百  
姓蓋由內而理外必自近而及遠凡我懿戚可不慎歟  
違道慢常義無私於王法謹身勵節恩豈薄於他人期  
於率先勵我風俗深宜自勉以副明言

授邢宇司封員外郎制

賈至

勅前戶部員外郎邢宇雅志冲澹敏識精達養閑移疾  
亦有歲年南宮地清列宿虛位擢才進善以佐邦理可

守司封員外郎

授班肅司封員外郎制

元稹

勅朝議郎前坊州刺史賜緋魚袋班肅馳競之徒能於  
 寒暑之際不以憂畏移其厚薄之道者鮮矣聞爾為祠  
 部員外郎時值吾黜姦之日游其門者莫不跽竄奔迸  
 懼罹其身惟爾安分不渝進退有素縉紳之論有以多  
 之復爾中臺以厚吾俗勉慎其始無輕所從可行尚書  
 司封員外郎餘如故

授馮韜司封員外郎等制 崔 嘏

勅分列宿之位應覆被之榮入可以封還詔書出可以  
分領符竹優游於粉署之內談笑於錦帳之前苟非清  
才不在斯選以韜文章炳煥獨步詞科以靖門胄光  
華深通聖典荆玉韜含章之美霜鐘蓄待扣之音是用  
升彼名曹擢於芸閣文昌之地職業非輕式佇彌綸更  
期遷陟韜可司封員外郎同靖可金部員外郎

司勳員外郎

授李奮司勳員外郎制

蘇頌

勅朝議郎行殿中侍御史李奮雅負才學能循名教蒞  
官執憲歷歲愈聞清操默識為時所重俾樹聲於勳府  
宜矯步於仙闈可尚書司勳員外郎散官如故

授李岫司勳員外郎制

孫逖

勅朝議郎行京兆府司錄叅軍上柱國李岫訓稟詩禮  
才稱英妙既博藝而能文亦謹身而勵節疆場決勝是  
賴於台臣爵服懋功宜及於眉子雖讓為德主父則固

辭而賞以恩延國有恒典俾增章紱之寵仍在神仙之地可朝散大夫行尚書司勳員外郎勳如故

考功員外郎

授裴耀卿檢校考功員外郎制

蘇頌

勅朝散大夫行河南府士曹叅軍裴耀卿士行純密文詞典麗時人許其清秀職事推其綜核惟才是舉方憑止水之明在位斯聞佇考觀光之彥可檢校考功員外

郎

戶部員外郎

授張博濟戶部員外郎制

孫逖

勅朝議郎行河南府司錄叅軍張博濟心和識遠藝博  
詞優清白承於教忠通明達於從政頃在河洛備聞紀  
綱郎官選俊雅望攸歸時宰避親良才久滯宜膺特命  
俾踐劇曹可尚書戶部員外郎散官如故

授權審戶部員外郎制

杜牧



勅文林郎守尚書水部員外郎權審湖嶺旱暵百姓枵  
耗老弱死道上彊壯入賊中爰求使臣以救其弊執事  
者上言爾審學古有文通知理道遂使乘驛視吾饑人  
果能臨事知權受命達旨慰撫流散宣導恩澤蠲貸逋  
逸能裁濶狹大小輕重各合事宜雖古所謂直指繡衣  
美俗使者言之於爾無以過焉用超名曹以酬徃効無  
曠官業勉服休命可守尚書戶部員外郎散官如故

禮部員外郎徐彥樞改授戶部員外郎制

薛廷珪

勅具官徐彥樞吾前以儀曹員外郎南宮劇選求思時  
彥克副僉諧聞爾先臣在會昌中事武宗皇帝文行脩  
整綽有令名亦由至公膺此慎選得人之盛于今稱之  
而彥樞趣嚮規為能紹先志俾之繼美亦謂當才而能  
以爾令兄執吾大柄絜矩彌峻避嫌不居牢讓之心確  
乎山立今吾又安敢以流薄所尚浼爾操脩改司人曹  
允叶中道亦欲使彥若

乃彥樞之  
兄曾作相

展四體以事我秉一

心而律人靡不有初

一有鮮克有終四字非

爾無忘於自勵其下

皆讓予庶幾乎有聞稽乃檢身慮吾假器自待之旨何其優哉可

度支員外郎

授李元紘度支員外郎制

蘇頲

勅朝議郎守潤州司馬李元紘清真不雜恬雅自居部劇著於祠曹養能傳於宰邑頃聞出佐方馳日下之聲爰佇入官猶屈黃中之美宜遷郎位以寵相門可行尚

書度支員外郎散官如故

金部員外郎

授崔夷甫金部員外郎等制 常 衮

勅宣議郎守尚書駕部員外郎賜緋魚袋崔夷甫朝散

大夫行尚書祠部員外郎上柱國韋敫疑作敫等清心在

公疆力從政縱橫之辯嘗亦專達緣飾以儒素推疆敏

叅訂集作久叅奏議頗練朝章宜從滿歲之遷俾轉集作輔分

曹之次夷甫可尚書金部員外郎散官賜如故敫可行

尚書倉部員外郎散官勲如故

倉部員外郎

授陳惠滿倉部員外郎等制 蘇頲

黃門朝議大夫行尚書祠部員外郎兼判倉部員外郎  
上柱國陳惠滿操履堅剛能守文法朝請大夫前行太  
子舍人上柱國蕭嵩風情瀟灑見推才器並頡頏清貫  
籍甚芳猷大事曰祀蒸人以粒宜奉舊章俾承新命惠  
滿可行尚書倉部員外郎嵩可行尚書祠部員外郎散

官勲各如故主者施行

授崔郵倉部員外郎判度支案制

白居易

勅奉天縣令崔郵大凡南宮郎無非慎選者也況地官之屬有堆案盈几之文有月計歲會之課故員郎不可踰時缺不待滿歲遷一作故員不可逾時缺郎不待滿歲遷事劇才難斷可知矣而郵自操白簡宰赤縣繩舉違謬惠養鰥嫠皆有善聲著于官次豈能於彼而不能於此乎宜率廩人

佐計務決繁折滯期有可觀可依前件

禮部員外郎

授李莘禮部員外郎制

賈至

勅九隴令李莘學行薰茂藻思清新譽流京劇政治巴庸會府章奏之殷春官典禮之要任難其選才可當人可試禮部員外郎

授張元夫禮部員外郎制 白居易

勅殿中侍御史張元夫官有秩清而選妙者其儀曹外

郎之謂乎凡殿內御史雖文才秀出功課高等者滿歲而授猶曰美遷有如元夫連膺二選歷彼踐此僉以為宜况怒飛青冥翔集禁陞由茲去者十八九焉汝知之乎思有以稱可尚書禮部員外郎

授徐商禮部員外郎制

李德裕

勅朝議郎殿中侍御史內供奉上柱國徐商于公以容駟高門虞氏以昇卿名子其所全活不聞大賢猶誠感幽神慶流苗裔矧乃祖往以淑問嘗為理官屬政在呂



宗謀傾王室將相陷辟忠良受誣而深念郡獄之寃固  
拒詔使分別楚囚之濫自履危機義激命輕仁為己任  
有是陰德宜覃後昆爾風度粹和文詞溫麗列於清憲  
雅有貞標旣旌先正之忠爰舉賞延之典勉修官業無  
替家聲可

授宇文臨禮部員外郎制  
崔 嘏

勅凡在南宮必資望實而儀曹之選益難其人以爾松  
篁清韻瓌璧貞姿以文學為積行之基用規檢為脩身

之具飾外以舉其衆能居中自持其謙益佐雲幕而鬱  
有佳聲處霜臺而介然獨立玉墀之下益振金相載筆  
之間共推直史是宜遷于粉署先彼文星勉膺起草之  
求無忝握蘭之美可

授徐彥樞禮部員外郎制

薛廷珪

勅具官徐彥樞文昌列曹代稱清署宗伯之重時難厥  
官其在外郎選擢尤重率多虛位以待當才聞爾澹以  
立身謙而履道情田萬頃瑤林將玉樹森羅文律九成

調露與承雲交奏動必由禮人無間言克承德行之規  
不染脂膏之態介然自立無愧前修是用聽彼羣情懋  
茲劇選斯文重振資爾之嘉謀時政有疑佇爾之讜論  
勉臨厥職紹乃家風敬蹈冰泉以成踐履可

祠部員外郎

授韋少遊祠部員外郎等制 賈至

勅左補闕直弘文館韋少遊脩詞懿文終溫且惠守右  
監門衛曹叅軍許登振藻揚采穆如清風並藏器於

身陳力就列南宮卽位是登柱史

一作題柱

之才左禁諫臣

方求折檻之直少遊可檢校祠部員外郎登可右拾遺

授褚長孺祠部員外郎制

常袞

勅朝議郎行起居郎集賢殿直學士褚長孺等國之才

一作俊

拔乎羣萃精力於學五經之大儒覃思於文三

變而合雅繫年秉直及霑盡規侍從之勞著於厥服含  
香載筆允茲並命可依前件

授蕭睦祠部員外郎制

李虞仲

勅朝散大夫使持節袁州諸軍事守袁州刺史上柱國  
蕭睦中臺總天下之務分以郎史各有司存前代用人  
率為慎選以爾克茂才實嘗擢科名操尚端貞職業脩  
舉累登使局頃縮郡章一作仍去常見思居不自伐是  
宜陟以郎署竚其彌綸能稽舊章則無敗事可行尚書  
祠部員外郎散官勲如故

授李隲

總目作  
韋陟

祠部員外郎等制

崔  
嘏

勅由憲府而入文昌自藩方而并粉署既為佳選亦舉  
滯才爾等皆以文藻發身馨香馳譽早茂閨門之行久  
從賓幕之遊或賜告經時頗積退藏之美或綱丞上請  
雅膺選擢之科祠膳清曹省闈右地勉思起草無念應  
星隲可祠部員外郎持可膳部員外郎

授章仇兼瓊主客員外郎制

勅殿中侍御史章仇兼瓊雅有堅操嘗懷遠圖義不辭  
勞忠能盡節項逾砂磧能正糾繩興國利於懸車振朝

威於絕漠甄其績用宜遷禮閣之榮寄以澄清仍受憲  
臣之任可尚書主客員外郎餘如故

授裴薦攝主客員外郎制

賈至

勅左拾遺裴薦正直而溫洵美且惠有紛綸之詞藻懷  
耿介之志氣自居近侍屢獻讜言中原未寧隣國是協  
俾領攝於郎署為專對之使人一作者可攝主客員外郎

授陸海主客員外郎制

常衮

勅朝議郎侍御史內供奉賜緋魚袋陸海儒流貫穿詞

韻清麗貞以自檢峻而能通執法允歸於詳當閑邪不  
畏於彊禦雖近遷柱史未終滿歲之勞而高選星郎實  
在一時之俊俾叅奏議期有損益可行尚書主客員外  
郎散官賜如故

膳部員外郎

授房宗偃膳部員外郎制

勅朝議郎侍御史內供奉充山南西道節度管內支度  
營田副使賜緋魚袋房宗偃孝謹之風克傳素業賢良



之器早負清才項主方書兼毗戎政澹雅高潔在公著  
美臺郎之盛妙選常人處以彌綸茲謂稱職可行尚書  
膳部員外郎散官勲如故

授李德脩膳部員外郎制 白居易

勅尚書左曹集作士郎自奏議彌綸外凡邦之牲豆之品

醴膳之數實糾理之今文昌長佐一作洎春官卿以朝散

大夫守秘書丞上柱國李德脩籍訓于台庭業官于書  
府揆才考第得補為郎司膳缺員爾宜專掌可尚書膳

部員外郎餘如故

文苑英華卷三百九十一

欽定四庫全書

文苑英華卷三百九十二 宋 李昉等 編

南省八

兵部員外郎

授楊仲昌吏部員外郎李巖兵部員外郎制

孫逖

門下左司員外郎楊仲昌朝散大夫戶部員外郎李巖  
等雅才明識敏行能文脩身懷止水之清應物有操刀

之利並膺時選所謂人英宜遷禮闈之秩更展劇曹之用仲昌可吏部員外郎巖可兵部員外郎散官各如故

授敬羽武部員外郎兼殿中侍御史制

賈至

勅攝武部員外郎朔方採訪等使敬羽美才多適直道減私通明可以斷疑貞固足以幹事自持風憲糾逖回邪不吐茹於剛柔有鷹鷂之搏擊與能褒美俾轉臺端載執謙先思弘讓節宜遂其懇志退守本官可守前官

授栢耆兵部員外郎制

元 稹

勅守起居舍人賜緋魚袋栢耆朕聞亟遷則爨倫數滯  
賞則勞臣怠兼用兩者謂之政經夫南憲右掖至于中  
臺我朝之極選也俾爾環歲之內周歷茲任豈無意焉

元和中盜殺丞相賊

集作疾

傷議臣齊冀之間交以禍端

相嫁耆自青溪窖中提轉丸押闔之書馳於諸鎮使承  
宗疑否隔塞一朝豁然納質獻地克終於善承宗既歿  
承元投事耆又將朕教告命于承元萬衆無一作誼一作非譁一

方底定此而不錄將何以勸凡百多士無忘急病之心  
可守尚書兵部員外郎

授李虞仲兵部員外郎崔戎戶部員外郎制

白居易

勅劔南西川節度判官朝散大夫檢校尚書戶部員外  
郎兼侍御史上柱國賜紫金魚袋李虞仲劔南西川觀  
察判官朝議郎檢校尚書刑部員外郎兼侍御史雲騎  
尉賜緋魚袋崔戎等去年春朕憂西南事授丞相文昌

鉞往鎮撫之次選郎更有才實如虞仲輩者往贊理之  
故其制云苟佐吾丞相以善政聞寧久遺汝於諸侯乎  
今蜀政成矣蜀人又矣是汝革職脩事舉而奉吾詔書  
甚謹也一作矣前言在耳安可弭忘並命為郎主吾信賞  
虞仲可行尚書兵部員外郎戎可行尚書戶部員外郎  
散官勲各如故

授前司勲員外郎賜緋徐綰兵部員外郎前庫

部員外郎李光嗣右司員外郎等制

前人

勅具官徐綰以丞相之子為尚書郎人得見於會朝而不得見於私室其言不敢近政其動未嘗違諫用是寡尤式彰能訓論者美宣祖大臣以至行移風稱易名者必曰光嗣之王父也爾克敬有後敏以自圖多所周防恐墜遺法而皆以去列可使陟居武庫部都曹郎選惟重並舉而授無墮當官可依前件

授司封員外郎賜緋崔貽孫守兵部員外郎判



戶部案制

錢珣

勅具官崔貽孫冠族以德範遺後昆者剛鯁清素代稱爾家又能樹立本根嗣守風法為士之道自求必聞故朝缺美官人思公舉今丞相以版賦之重用爾為佐理之才更遷右曹往事吾相無謂司貨籍者近乎俗吏而忽於躬親使滋其煩弊也可依前件

職方員外郎

授李何忘職方員外郎制

賈至

誥右補闕李何忌後進人物一時雋選或不承清緒多  
負美才或直言正詞有犯無隱或繡衣持斧擿伏擒姦  
或馳譽翰林文詞藻麗或知名吏道政事詳密在邦必  
達歷試有聞宜居駕鷺之列俾弘準繩之紀可試職方  
員外郎

駕部員外郎

授趙昇卿駕部員外郎制

蘇頌

勅朝議郎前行兵部員外郎上柱國趙昇卿爰以詞學

亟兼文史踐行貞固用心純密校人祇事郎位求才宜  
膺賜筆之榮重陟含香之列可行尚書駕部員外郎散  
官勲如故

庫部員外郎

授崔玄暉庫部員外郎制

李嶠

鸞臺朝散大夫行尚方監丞崔玄暉理懷沉正文藝優  
深內府策名已馳聲績中臺揆務更佇良能宜收起草  
之才俾昇握蘭之位可行文昌庫部員外郎散官勲如

故主者施行

授趙良弼司庫員外郎制

賈至

勅攝河東司馬趙良弼以敬直方內義形於色蘊帷幄  
之謀畧真一作是士林之忠良元戎起行師出以律將謀

韓厥之職宜選子方之智俾登仙署仍佐中權可行司  
庫員外郎充朔方行軍司馬

刑部員外郎

授張景昇刑部員外郎制

蘇頲

門下太中大夫尚書都官員外郎上柱國張景昇操履  
精密刑書洞曉自遷郎位咸服吏能用於噬嗑必資哀  
敬丕蔽之審惟才是擇可行尚書刑部員外郎散官勳  
如故

授栢庭昌憲部員外郎制 賈至

勅監察御史栢庭昌吏道稱優公才致遠文法之用益  
推於友朋操割之能亦聞於臺省仙郎之選人譽是歸  
道有籍於簡字官不循於資序當茲清職宜最慎擇可

憲部員外郎

授崔殷刑部員外郎制

常袞

勅朝議大夫試太子舍人兼殿中侍御史崔殷學義精

深詞華綯

集作  
緝

麗臺郎高選清論洽於朝倫郡掾左遷

善聲彰於時聽頃從獎序未副才名亟

集作  
亟

膺新命俾

光舊列可行尚書刑部員外郎散官如故

授王鑑刑部員外郎制

白居易

勅刑曹外郎缺朕詔執事擇可以善於其職者而殿中

侍御史王鎰自居殿中能察非法連鞫庶獄多叶平允  
一作反加以溫敏靜專可當是選一歲之獄決在秋冬今  
方其時宜敬乃職可依前件

授李行修刑部員外郎制 李虞仲

勅登仕郎殿中侍御史內供奉護軍李行修沉正為質  
發強於用敏識可以周務懿文可以誠身連擢憲闡聲  
績甚茂近以江淮災旱晷切疲黎舉爾忠實往申慰撫  
攬轡有卹人之色登旋一作旋車多濟物之心一作方既表嘉

庸仍當滿秩

一作歲

優其遷擢以勸公勤刑曹詳讞之難

郎署彌綸之重斯為盛選無愧當官可守刑部員外郎

散官勲如故

授李朋刑部員外郎李從晦都官員外郎等制

杜牧

勅書曰庶獄庶事予罔敢知此乃周文王之所以理天下也惟獄惟事會於南宮求郎之難豈敢輕易將仕郎侍御史內供奉李朋能積行實發其詞華勁正端慎官



業克舉天平軍節度副使朝議郎檢校尚書祠部員外郎兼侍御史賜緋魚袋李從晦宗室子弟美秀而文嘗經磨涅不改堅白今者取自憲府擢於幕吏各有所授皆為清秩當自宣室受讞之際思滿堂飲酒之言至於刑章尤繫念慮子曰罪爾勿罪子曰寬爾勿寬問法何如無即上意各宜勉勵勿自輕怠朋可守尚書刑部員外郎散官如故從晦可守尚書都官員外郎散官賜如故

都官員外郎

授苗發都官員外郎制

常袞

勅朝散大夫前守秘書丞龍門縣開國男苗發德厚流  
光相門才子代重一經之業家承萬石之風理詣精微  
行歸純至麗以文藻振以英華端其誠而有恒敏於事  
而兼適早登學省用汰儒流喪紀外除素冠未改弟兄  
有裕清論多之處以彌綸之職當茲俊茂之選可行尚  
書都官員外郎賜緋魚袋散官封如故

授侍御史沈栖遠右司員外郎殿中張玄晏都

官員外郎制

薛廷珪

勅具官沈栖遠等由御史屬為尚書郎選擢之重難踐  
歷之清切所以廣毓材之道也以栖遠清白嚮正藝實  
揚名魯人將以為木鐸太一下傳其洪範石渠鉛槧陳  
署淹翔動靜有常職業惟允以玄晏詞無枝葉道有汗  
隆履君子之中庸練國朝之故實直方之氣僉論多之  
文藝之優前輩高許而皆乘駟衣繡為我憲臣指佞埋

輪恪居官業疇其久次爰俾序遷勉思伏奏之勤無忘  
率職之重可

比部員外郎

授莫藏用比部員外郎制 常袞

勅朝議郎檢校尚書倉部員外郎兼侍御史克稅青苗

錢使判官賜緋魚袋莫藏用飾以文行敏於理道

集作  
政理

自執霜簡頗振風憲頃馳輜

一作  
輅

軒尤詳使命務辨斯

切

集作  
尤詳使  
務倚辨  
斯切

積勞有成宜正列星之次俾承賜筆之

寵可行尚書比部員外郎散官如故

授張勝之比部員外郎制 李虞仲

勅宣武軍節度判官朝議郎檢校尚書戶部郎中兼侍  
御史賜緋魚袋張勝之卑以自牧文而有禮既踐憲臺  
遂叅相府事人見必盡之操在醜有不爭之美尚書列  
屬分曹蒞職聽其會計以考歲成擢用為郎是稱清選  
勉一作謹爾從政以體輿議可行尚書比部員外郎散官  
賜如故

授李渾比部員外郎等制

崔 嘏

勅著作郎李渾等台庭積慶文苑馳聲玉讓其溫華山  
挺其芳茂幼聞詩禮在家推鯉也之賢夙稟清英行已  
有藹然之譽逢丘探討運府周旋頗聞編軸之功雅得  
副車之體網曹妙選粉帳華資方承綵服之榮共許應  
星之美為郎匪因於父任題柱自奏於帝知勉服鴻休  
更觀驥騁可依前件

司門員外郎

授高弘簡司門員外郎判度支案制

前人

勅司國計者統天下之財貨量入以為用在於賦有餘也事歸一途故必馭一作取其彊力多聞分掌簿籍俾操

剽無滯精明莫欺弘正上言以爾嘗居憲署亦領郡符通於吏術素傳儒業是可以分列宿之位理聚人之財爾其佐我才臣資於國用無俾健酷以罔遺利可依前件

工部員外郎

授李全昌工部員外郎制

蘇頲

門下朝散大夫殿中侍御史李全昌措懷條暢臨事明  
允執憲繩違以文從吏五材審用百工為職握蘭之美  
賜筆攸歸可行尚書工部員外郎散官如故王者施行  
授李岑工部員外郎制

賈至

勅京兆府兵曹叅軍李岑敏而好學出言有章累登甲  
乙之科嘗居匡輔之任雋才利器在邦必聞俾振翮於



仙署用揚光於列宿可工部員外郎

授羅讓工部員外郎制

元稹

勅義成軍前度支判官朝議郎檢校刑部員外郎兼侍  
御史上柱國賜緋魚袋羅讓昔陶弘景一代高人始願  
四十為尚書而猶不遂國朝選署尤用其良以爾讓敏  
而好學直而能溫甲乙亟登班資歷踐項將軍辟士權  
資孫楚之坐籌今會府掄材復獎馬宮之射策無忘辨  
護以宣程品日省月試用勸百工可尚書工部員外郎

屯田員外郎

授游子騫屯田員外郎制

蘇頌

勅通直郎行殿中侍御史河北道度支營田使游子騫  
在公必慎臨事克誠言用身謀智為心計頃持憲簡嘗  
驚使車往則甄明動惟弘益宜登仙署之列佇揔公田  
之事一作重可尚書屯田員外郎散官如故

授宋晦屯田員外郎制

賈至

勅行殿中侍御史宋晦質性溫敏行能詳實再策名於

霜簡久更事於輜軒理必有常條而不紊禮聞舉直郎  
署求才俾迴秋憲之威以佐冬官之屬可屯田員外郎

授蘇彰

總目作淳

屯田員外郎制

崔 嘏

勅具官蘇彰嘗以藝能再昇憲府聞其奉使亦甚稱職  
往來萬里勤勞一心而卧疴經時賜告逾歲遷居粉署  
用應星文勉思覆被之榮無忝握蘭之美可屯田員外  
郎

虞部員外郎

授劉繹

總目作洋

虞部員外郎制

孫逖

門下朝散大夫行河南府倉曹叅軍關內道度支判官

上柱國彭城縣開國侯劉繹緒

一作署

業清華行能修飭

表通明於史跡持雅正於公心幕府徵才久聞成效星臺列位宜膺俊選可尚書虞部員外郎餘如故

授丘紆陳鴻員外郎等制

元稹

勅朝議郎行左補闕上柱國丘紆諫諍之臣入言於密勿之際群下莫得而知然而政有汙崇由爾之得失也

朝議郎行太常博士上柱國陳鴻禮秩之官草儀於朝廷之內四方之所觀聽是以察其事為見爾之能否矣以爾紆久於侍從可以序遷以爾鴻堅於討論可以事舉並命省闈足謂恩榮慎乃攸司無違夙夜紆可膳部員外郎鴻可虞部員外郎

水部員外郎

授王琪水部員外郎制

蘇頲

門下宣議郎試大理評事王琪奕代儒雅門傳教義風

襟育粹詞韻含清雖職尚安卑而才方致遠連枝席寵  
爰映於棣華起草升榮俾先於蘭握可朝散大夫水部  
員外郎主者施行

授鄭渾水部員外郎制

常袞

勅朝散大夫

集作  
郎

殿中侍御史內供奉賜緋魚袋鄭渾

族華才俊風韻朗然禮以約已學以潤政常在清選久  
於持綱廉平簡直甚有名望舊制尚書郎缺以殿中執  
法次補之服我新命用循階歷可守尚書水部員外郎

散官如故

授張籍水部員外郎制

白居易

勅登仕郎守國子監博士張籍文教張

集作興

則儒行顯


王澤流則歌詩作若上以張教流澤為意則服儒業詩者宜稍進之頃籍自校秘文而訓國胄今又覈名揚稱以水曹郎處焉前年以來凡歷文雅之選三矣然人皆以爾為宜者豈非篤於學敏於行而貞退之道勝邪不與之寵名何以獎夫

集作與之寵名可以獎夫

不汲汲於時者可守

尚書水部員外郎散官如故

卷三百九十二



文苑英華卷三百九十二